

थारी मेलोड़ी चादर धोय,
दोहा मन लोभी मन लालची,
मन चंचल मन चोर,
मन के मते नही चालिये,
पलक पलक मन ओर ।

बिन धोया रंग ना चढ़े रे,
तिरणो किण बिद होय,
समझ मन मायला रे,
थारी मेलोड़ी चादर धोय ॥

गुरांसा खुदाया कुंआ बावड़ी रे,
ज्यारो निर गंगाजल होय,
कोई तो नर न्हाय गया रे,
कोई नर काया मुख धोय,
समझ मन मायला रे,
थारी मेलोड़ी चादर धोय ॥

तन की कुंडी बणायले रे,
ज्यारे मनसा साबुन होय,
प्रेम शिला पर देह फटकारो,
दाग रहे ना कोय,
समझ मन मायला रे,
थारी मेलोड़ी चादर धोय ॥

रोहिड़ो रंग को फुटरो रे,
ज्यारा फुल अजब रंग होय,
वां फुलां की शोभा न्यारी,
बीणज सके ना कोय,
समझ मन मायला रे,
थारी मेलोड़ी चादर धोय ॥

लिखमाजी ऊबा बीच भोम में रे,
ज्यारे ताग रयो न कोय,
तिजी पेड़ी ताग ग्यारे,
चौथी में रया रे सोय,
समझ मन मायला रे,
थारी मेलोड़ी चादर धोय ॥

बिन धोया रंग ना चढ़े रे,
तिरणो किण बिद होय,
समझ मन मायला रे,
थारी मेलोड़ी चादर धोय,
थारी मेलोड़ी चादर धोय ॥

स्वर सम्पत जी दाधीच ।
प्रेषक रेगर नारायण कोशीथल
Ph-9549365704



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>